

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-95/14
Sarajevo, 6.2.2014. godine

Z A P I S N I K

21. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 6.2.2014. godine

Sjednica je počela u 11.15.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Prije prelaska na rad, predsjedavajući je podsjetio delegate da je 17.1.2014. godine preminuo potpredsjedavajući Doma naroda Jasmin Smailbegović, te pozvao delegate da minutom šutnje i na drugi način odaju počast preminulom potpredsjedavajućem Doma naroda Jasminu Smailbegoviću.

Nakon toga je predsjedavajući pozdravio delegate, predstavnike Vlade Federacije i predstavnike akreditiranih medijskih kuća koji prate rad sjednice.

Izostanak sa sjednice opravdali su Mladen Lonić, Slaviša Mihajlović i Amel Hadžiabdić.

Na osnovu evidencije Stručne službe, predsjedavajući je konstatovao da sjednici prisustvuje 41 delegat, što čini većinu, te Dom naroda može raditi i punovažno odlučivati.

Nakon toga, predsjedavajući je stavio na glasanje Zapisnik 19. sjednice Doma naroda i konstatovao da je Dom naroda, bez primjedbi (35 glasova za i jedan uzdržani glas), usvojio Zapisnik 19. sjednice Doma naroda, održane 16.12.2013. godine.

Nakon toga, predsjedavajući je stavio na glasanje Zapisnik 20. sjednice Doma naroda i konstatovao da je Dom naroda, bez primjedbi (39 glasova), usvojio Zapisnik 20. sjednice Doma naroda, održane 19.12.2013. godine.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Zoran Jovanović je izrazio nezadovoljstvo nedobijenim odgovorom na pitanje upućeno Elektroprivredi BiH u vezi sa obračunavanjem zakonske zatezne kamate na neuplaćeni obračun za potrošnju električne energije, te zatražio odgovore na pitanja postavljena na prošloj sjednici.

Elvira Abdić-Jelenović je izrazila nezadovoljstvo nedobijanjem odgovora na pitanje postavljeno na sjednici od 21.3.2013. godine i ponovo ga postavila Federalnom ministarstvu raseljenih lica i izbjeglica. Pitanje se odnosi na broj evidentiranih raseljenih i izbjeglih lica sa područja Unsko-sanskog kantona; broj raseljenih i izbjeglih lica sa područja općina Cazin i Velika Kladaša, te kakva je dinamika povratka. Upitala je koliko je sredstava za ove namjene isplaćeno općinama u ovom kantonu od 1997. godine do danas i koliko je ukupno prikupljeno donatorskih sredstava namijenjenih povratku izbjeglih i raseljenih lica i kako su raspoređena po općinama u kantonima. Zatražila je pisani odgovor na ova pitanja do naredne sjednice Doma naroda.

Drugo pitanje uputila je federalnom ministru zdravstva a tiče se broja izgrađenih, adaptiranih i opremljenih ambulanti u Federaciji BiH po projektu adaptacije, rekonstrukcije, izgradnje i opremanja ambulanti u mjesnim zajednicama općina u Unsko-sanskom kantonu koje je predvodilo Federalno ministarstvo zdravstva. Upitala je koji su kriteriji za određivanje prioriteta adaptacije, rekonstrukcije i izgradnje, te može li i na koji način Dom zdravlja Velika Kladaša aplicirati za sredstva iz budžeta Federacije za adaptaciju i rekonstrukciju objekata u općini Velika Kladaša.

Amir Zukić je izrazio nezadovoljstvo odgovorima na dvije inicijative koje je pokrenuo.

U vezi sa inicijativom za formiranje porodiljskog fonda izjavio je da očekuje konkretne aktivnosti Vlade i Federalnog ministarstva rada i socijalne politike u vezi sa formiranjem ovog fonda.

Ponovo je postavio pitanje Federalnom ministarstvu finansija i Federalnom ministarstvu zdravstva vezano uz pravni osnov za sklapanje menadžerskih ugovora.

Senahid Šaković je zahvalio Poreznoj upravi Federacije na djelimičnom odgovoru izjavivši da će sačekati drugi dio odgovora na ovo pitanje. U vezi sa drugim postavljenim pitanjem zahvalio je resornom ministarstvu na obavijesti da prikupljaju podatke vezane uz odgovor i to uvažio.

Također, postavio je pitanje Federalnom ministarstvu, poljoprivrede, vodoprivrede i šumarstva i Agenciji za vodno područje rijeke Save u vezi sa aktivnostima koje namjeravaju poduzeti a tiču se rokova za važenje vodnih dozvola izdatih velikim privrednim subjektima koji zagađuju okolinu.

Josip Perić je izrazio nezadovoljstvo odgovorom na pitanje dostavljeno Federalnom ministarstvu za pitanja boraca i invalida odbrambeno-oslobodilačkog rata koje se odnosi na broj osoba koje u ovom ministarstvu rade na osnovu ugovora o djelu. Izrazio je nezadovoljstvo i

odnosom Vlade Federacije u odnosu na inicijativu o održavanju tematske sjednice o Federalnom ministarstvu za pitanja boraca i invalida odbrambeno-oslobodilačkog rata i stanju u braniteljskoj populaciji i na inicijativu za objavu registra branitelja i svih onih koji ostvaruju prava po bilo kojem zakonskom osnovu u Federaciji BiH. Izjavio je da će na narednoj sjednici pokrenuti inicijativu za «radikalnije rezove» u ovom ministarstvu.

Ivo Divković je izrazio nezadovoljstvo nedobijenim odgovorima na postavljena pitanja, te zaražio od predsjedavajućeg Doma naroda da se insistira da se odgovori na pitanja dobijaju u razumnom roku.

Ponovo je postavio pitanje Federalnom ministarstvu energije, rudarstva i industrije u vezi sa prijenosom trajnog prava korištenja i upravljanja na zemljištima i objektima napuštenog rudnika Lipnica na općinu Tuzla kako bi se nastavio proces razvoja razvojnog centra koji tamo već egzistira.

Ponovio je pitanje i Federalnom zavodu za penzijsko i invalidsko osiguranje u vezi sa rješavanjem problema ljudi koji su otišli u penziju od momenta odlaska u penziju do dobijanja konačnog rješenja o penzionisanju zbog reguliranja zdravstvenog osiguranja.

Predsjedavajući Doma naroda je izjavio da će se uputiti dopis Vladi Federacije da hitno odgovori na sva već postavljena pitanja.

Esed Radeljaš je izrazio nezadovoljstvo nedobijenim odgovorima od federalnog ministra za pitanja boraca i invalida odbrambeno-oslobodilačkog rata i postavio pitanje tom ministarstvu da li revizorski timovi Federacije BiH mogu revidirati ranije izdata uvjerenja i donositi uvjerenja nakon presude Ustavnog suda od 20.11.2012. godine.

Segmedina Srna-Bajramović je postavila pitanje Kolegiju Doma naroda kada će se održati tematska sjednica o stanju u Federalnoj televiziji, budući da je Vlada Federacije uputila inicijativu za održavanje ove sjednice.

Aner Žuljević je postavio pitanje Federalnom tužilaštvu koliko se u posljednje tri godine provelo istraga, podiglo optužnica i zastupalo u predmetima organiziranog kriminala, međukantonalnog kriminala i trgovine opojnim drogama za koje je ovo tužilaštvo prvostepeni istražni organ prema Zakonu o Federalnom tužilaštvu Federacije BiH.

Mijo Matanović je postavio tri pitanja.

Prvo pitanje - kada će u parlamentarnu proceduru biti dostavljen Prijedlog Zakona o pripadnosti javnih prihoda u Federaciji BiH i kada će ga razmatrati Dom naroda.

Drugo pitanje tiče se isplate poticaja poljoprivrednicima iz Posavskog kantona koji se bave biljnom i animalnom proizvodnjom.

Treće pitanje se odnosi na Ured predsjednika Federacije u Odžaku a pita u čijem poslovnom prostoru se nalazi, koja je cijena unajmljenog prostora, ko je zaposlenik koji radi tu i kakav je njegov radno-pravni status.

Almedin Aliefendić je postavio dva pitanja koja se odnose na čl. 33. i 34. Zakona o budžetima u Federaciji BiH.

Upitao je koliki su planirani prihodi i primici Zeničko-dobojskog kantona za 2014. godinu i da li su Ministarstvo finansija i Vlada Zeničko-

dobojskog kantona postupili prema odredbama člana 33. Zakona o budžetima u Federaciji BiH.

Postavio je pitanje da li su Ministarstvo finansija i Vlada Zeničko-dobojskog kantona dostavili Budžet Kantona za 2014. godinu i finansijske planove vanbudžetskih fondova Federalnom ministarstvu finansija u roku 15 dana od donošenja radi konsolidacije. Zatražio je pisani odgovor na ova pitanja.

Sretko Radišić je postavio pitanje Kolegiju Doma naroda šta može učiniti da se popune upražnjena mjesta u Ustavnom sudu Federacije BiH i omogućiti njegov rad.

Zahid Bašić je pokrenuo inicijativu prema Vladi Federacije da se ponovo izjasni o amandmanima koje je podnio na Prijedlog Zakona o inspekcijama Federacije BiH, koje Vlada Federacije nije prihvatila.

Josip Perić je postavio pitanje Vladi Federacije - ko je bio član i na osnovu kojih kriterija je Komisija ocjenjivala rad direktora robnih rezervi Federacije ocjenivši ga uspješnim.

Mustafa Kurtović je pokrenuo inicijativu da se održi zajednička sjednica oba doma Parlamenta Federacije BiH u vezi sa aktuelnom situacijom u Federaciji.

Postavio je pitanje Federalnom ministarstvu finansija zbog čega kantonima nije uplaćen dio granta iz Budžeta Federacije za 2013. godinu. Zatražio je pisani odgovor.

Federalni ministar finansija Ante Krajina je odgovorio da kantonima nije uplaćen dio granta iz Budžeta Federacije za 2013. godinu jer nije bilo raspoloživih sredstava.

Zoran Jovanović je postavio dva pitanja.

Prvo pitanje upućeno je Federalnom ministarstvu, poljoprivrede, vodoprivrede i šumarstva u vezi sa isplatom poticaja poljoprivrednim proizvođačima u Tuzlanskom kantonu.

Drugo pitanje upućeno je Elektroprivredi BiH i BH Telekomu - Direkcija Tuzla a odnosi se na broj i imena zaposlenih građana iz Tuzlanskog kantona u Termoelektrani Tuzla, elektrodistribuciji na području Tuzlanskog kantona i Direkciji BH Telekoma u Tuzli, te na osnovu čega su zaposleni.

Zijat Mušić je postavio pitanje Visokom sudskom i tužilačkom vijeću BiH u vezi sa nacionalnom strukturom predsjednika sudova i kantonalnih tužilaca u kantonima.

Enes Salkanović je pokrenuo inicijativu prema Federalnom ministarstvu prometa i komunikacija da naloži Direkciji cesta Federacije da izvrši horizontalnu signalizaciju na prostoru magistralnog puta M17 koji prolazi kroz cijelu općinu Odžak do općine Vukosavlje.

Predsjedavajući Doma naroda je obavijestio prisutne da se sjednice Doma naroda Parlamenta Federacije mogu pratiti preko web striminga na web stranici Parlamenta Federacije, odnosno Doma naroda.

Nakon toga predsjedavajući je prešao na utvrđivanje dnevnog reda.

Vlada Federacije dostavila je Prijedlog Zakona o izmjenama i dopunama Zakona o prodaji stanova na kojima postoji stanarsko pravo sa prijedlogom da se razmatra po hitnom postupku, ali prijedlog nije dobio potrebnu većinu glasova (26 glasova za, 13 uzdržanih glasova i četiri glasa protiv).

Kolegij Doma naroda je dao prijedlog da se na dnevni red sjednice uvrsti kao 2. tačka - Prijedlog Zakona o izmjenama i dopunama Zakona o budžetima u Federaciji BiH čiji je predlagač Klub zastupnika Stranke za BiH u Predstavničkom domu Parlamenta Federacije po hitnom postupku. Ovaj prijedlog Kolegija usvojen je sa 32 glasa za i uz osam uzdržanih glasova.

Luka Faletar je izjavio da je na sjednici Kolegija povukao Prijedlog Zakona o federalnim jedinicama, tako da je ovaj zakon skinut sa dnevnog reda.

Predsjedavajući je obavijestio delegate da je Centralna izborna komisija dostavila Domu naroda Parlamenta Federacije obavijest da je delegat Radoje Vidović imenovan na funkciju načelnika Općine Kreševo i da više ne može vršiti funkciju delegata u Domu naroda Parlamenta Federacije BiH, te je dodijelila mandat sljedećem kvalifikovanom kandidatu iz reda hrvatskog naroda iz Srednjobosanskog kantona gospodinu Josipu Kvasini.

Kolegij Doma naroda je predložio da se kao 1. tačka dnevnog reda razmatra - Verifikovanje mandata delegatu u Domu naroda. Prijedlog Kolegija je jednoglasno usvojen.

Nakon toga predsjedavajući je stavio dnevni red na glasanje i konstatovao da je Dom naroda Parlamenta Federacije BiH, sa 46 glasa za i uz jedan uzdržani glas, usvojio sljedeći:

D N E V N I R E D

1. Verifikacija mandata delegatu u Domu naroda Parlamenta Federacije BiH,
2. Prijedlog Zakona o izmjenama i dopunama Zakona o budžetima u Federaciji BiH (predlagač: Klub zastupnika Stranke za BiH u Predstavničkom domu Parlamenta Federacije BiH) - hitni postupak,
3. Prijedlog Zakona o dopuni Zakona o likvidacionom postupku,
4. Prijedlog Zakona o izmjenama i dopunama Zakona o stečajnom postupku,
5. Nacrt Zakona o izmjenama i dopunama Zakona o prodaji stanova na kojima postoji stanarsko pravo,
6. Nacrt Zakona o izmjenama i dopunama Zakona o parničnom postupku,
7. Nacrt Zakona o državnoj službi Federacije BiH,
8. Nacrt Zakona o komasaciji,
9. Prijedlog Strategije reforme penzionog sistema u Federaciji BiH,
10. a) Izvještaj Visokog sudskog i tužilačkog vijeća BiH za 2011. godinu,

- b) Izvještaj Visokog sudskog i tužilačkog vijeća BiH za 2012. godinu,
 11. Izvještaj o radu Federalnog pravobranilaštva za 2012. godinu,
 12. Izbori i imenovanja.

1. Verifikacija mandata delegatu u Domu naroda Parlamenta Federacije BiH

Predsjedavajući je obavijestio delegate da je Centralna izborna komisija dostavila Domu naroda Parlamenta Federacije obavijest da je delegat Radoje Vidović imenovan na funkciju načelnika Općine Kreševo i da više ne može vršiti funkciju delegata u Domu naroda Parlamenta Federacije BiH, te je dodijelila mandat sljedećem kvalifikovanom kandidatu iz reda hrvatskog naroda iz Srednjobosanskog kantona gospodinu Josipu Kvasini.

Predsjednik Mandatno-imunitetske komisije Đuro Prkačin je obrazložio izvještaj.

Predsjedavajući je predložio Domu naroda da usvoji izvještaj Mandatno-imunitetske komisije i nakon glasanja konstatovano je da je izvještaj usvojen (47 glasova za) te je time verifikovan mandat delegatu Josipu Kvasini iz reda hrvatskog naroda iz Srednjobosanskog kantona.

Nakon toga predsjedavajući je pozvao Josipa Kvasinu da da zakletvu. Predsjedavajući je iskoristio priliku i čestitao gospodinu Kvasini na dolasku u Dom naroda Parlamenta Federacije BiH.

2. Prijedlog Zakona o izmjenama i dopunama Zakona o budžetima u Federaciji BiH (predlagač: Klub zastupnika Stranke za BiH u Predstavničkom domu Parlamenta Federacije BiH)

Predstavnički dom Parlamenta Federacije BiH je na 21. sjednici, održanoj 28.01.2014. godine, usvojio Prijedlog Zakona sa tri amandmana.

Prijedlog Zakona razmatrala su nadležna radna tijela i dostavila izvještaje.

U raspravi nije niko učestvovao.

Nakon toga predsjedavajući je stavio na glasanje Prijedlog Zakona u tekstu kako ga je usvojio Predstavnički dom.

Sa 43 glasa za i uz jedan uzdržani glas, predsjedavajući je konstatovao da je Dom naroda Parlamenta Federacije BiH usvojio Prijedlog Zakona o izmjenama i dopunama Zakona o budžetima u Federaciji BiH.

3. Prijedlog Zakona o dopuni Zakona o likvidacionom postupku

Prijedlog Zakona utvrdila je Vlada Federacije.

Predstavnički dom je na nastavku 23. sjednice, održane 30.10.2013. godine, usvojio Prijedlog Zakona o dopuni Zakona o likvidacionom postupku sa amandmanom koji je Predstavnički dom izglasao. Amandman se odnosi na član 16.a Prijedloga Zakona.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o dopuni Zakona o likvidacionom postupku obrazložio je Zoran Mikulić, federalni ministar pravde.

U raspravi je učestvovao Jasenko Tufekčić koji je, u ime Kluba delegata bošnjačkog naroda, predložio da Dom naroda zaduži Vladu Federacije da u roku tri mjeseca sačini nove tekstove Zakona o stečajnom postupku i Zakona o likvidacionom postupku.

Nakon toga predsjedavajući je stavio na glasanje amandman koji je izglasao Predstavnički dom a koji se odnosi na član 16.a Prijedloga Zakona i konstatovao da amandman nije dobio potrebnu većinu glasova jer je za glasalo 28 delegata, devet delegata je bilo uzdržano a jedan delegat je bio protiv.

Zatim se glasalo o Prijedlogu Zakona o dopuni Zakona o likvidacionom postupku.

Sa 34 glasa za, uz 11 uzdržanih glasova i uz dva glasa protiv, predsjedavajući je konstatovao da je Dom naroda Parlamenta Federacije BiH usvojio Prijedlog Zakona o dopuni Zakona o likvidacionom postupku.

Također, predsjedavajući je stavio na glasanje prijedlog Kluba delegata bošnjačkog naroda i konstatovao da je Dom naroda, sa 32 glasa za, uz 13 uzdržanih glasova i uz tri glasa protiv, usvojio sljedeći:

ZAKLJUČAK

Obavezuje se Vlada Federacije da u roku tri mjeseca izradi novi tekst Zakona o likvidacijskom postupku i uputi ga u parlamentarnu proceduru.

Budući da je Prijedlog Zakona o dopuni Zakona o likvidacionom postupku usvojen u različitom tekstu u oba doma Parlamenta Federacije BiH **potrebno ga je usaglasiti.**

4. Prijedlog Zakona o izmjenama i dopunama Zakona o stečajnom postupku

Prijedlog Zakona utvrdila je Vlada Federacije.

Predstavnički dom je na nastavku 23. sjednice, održane 30.10.2013. godine, usvojio Prijedlog Zakona o izmjenama i dopunama Zakona o stečajnom postupku sa tri amandmana koje je predstavnik Vlade Federacije

prihvatio pa su postali sastavni dio Prijedloga Zakona i dva amandmana koje je Predstavnički dom izglasao.

Amandmani koje je Vlada Federacije prihvatila na sjednici Predstavničkog doma glase:

Amandman I.

U članu 8., koji se odnosi na član 12., u stavu 4. riječi: „ukoliko je ona otvorena“ se brišu i dodaje se tekst: „koju je obavezan otvoriti od prvog dana pokretanja stečajnog postupka“.

Amandman II.

U članu 20., koji se odnosi na član 48., u stavu 2. riječi: „ukoliko je ista otvorena“ se brišu.

Amandman III.

U članu 14., koji se odnosi na član 24., u stavu 2. tačka se briše i dodaju riječi: „i web stranici Ministarstva pravde“.

Amandmani koje je Predstavnički dom izglasao odnose se na čl. 5. i 12. Prijedloga zakona.

Također, na Prijedlog Zakona o izmjenama i dopunama Zakona o stečajnom postupku amandmane su podnijeli: zajednički amandman delegata Senahida Šakovića i Ive Divkovića koji se odnosi na član 35. Prijedloga Zakona i amandman Zakonodavno-pravne komisije Doma naroda koji se odnosi na član 13. Prijedloga Zakona.

Vlada Federacije je dostavila izjašnjenje u kojem ne prihvata amandman koji su zajednički podnijeli delegati Senahid Šaković i Ivo Divković, dok je amandman Zakonodavno-pravne komisije Doma naroda prihvaćen.

Amandman Zakonodavno-pravne komisije koji je Vlada Federacije prihvatila i koji je postao sastavni dio teksta Prijedloga Zakona glasi:

„U članu 13. u stavu 4. u tački 8) broj: „70“ zamjenjuje se brojem: „65“.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o izmjenama i dopunama Zakona o stečajnom postupku obrazložio je Zoran Mikulić, federalni ministar pravde.

U raspravi su učestvovali: Senahid Šaković, Zoran Jovanović, Elvira Abdić-Jelenović, Aner Žuljević, Ivo Divković i Hajrudin Bećirović.

Budući da su delegati Senahid Šaković i Ivo Divković djelimično odustali od svog amandmana na način da odustaju od dodavanja stava 2. u članu 35. Prijedloga Zakona, predsjedavajući je stavio na glasanje dio amandmana koji se odnosi na dodavanje stava 3. u članu 35. Prijedloga Zakona, te je konstatovao da je Dom naroda Parlamenta Federacije BiH usvojio Amandman delegata Senahida Šakovića i Ive Divkovića koji se odnosi na dodavanje stava 3. u članu 35. Prijedloga Zakona o izmjenama i dopunama Zakona o stečajnom postupku, jer je 37 delegata glasalo za, 12 delegata je bilo uzdržano a dva delegata su bila protiv.

Usvojeni Amandman sada glasi:

„U članu 35. Prijedloga Zakona o izmjenama i dopunama Zakona o stečajnom postupku dodaje se stav (2) koji glasi:

„(2) Parnični postupci pokrenuti u skladu sa stavom (1) ovog člana imaju prioritet u odnosu na druge sudske postupke uključujući i hitne postupke koji nisu u radu.“

Nakon toga glasalo se o dva amandmana koje je usvojio Predstavnički dom.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH **nije usvojio** dva amandmana Predstavničkog doma i to:

- amandman I. Predstavničkog doma koji se odnosi na brisanje člana 5. Prijedloga Zakona o izmjenama i dopunama Zakona o stečajnom postupku, jer je 28 delegata glasalo za, 11 delegata je bilo uzdržano a četiri delegata su bila protiv i

- amandman II. Predstavničkog doma koji se odnosi na član 12. Prijedloga Zakona o izmjenama i dopunama Zakona o stečajnom postupku, jer je 25 delegata glasalo za, 18 delegata je bilo uzdržano a tri delegata su bila protiv.

Potom se glasalo o Prijedlogu Zakona o izmjenama i dopunama Zakona o stečajnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH usvojio Prijedlog Zakona o izmjenama i dopunama Zakona o stečajnom postupku, jer je 31 delegat glasao za, 14 delegata je bilo uzdržano a tri delegata su bila protiv.

Također, predsjedavajući je stavio na glasanje prijedlog Kluba delegata bošnjačkog naroda i konstatovao da je Dom naroda, sa 32 glasa za, uz 13 uzdržanih glasova i uz tri glasa protiv, usvojio sljedeći:

ZAKLJUČAK

Obavezuje se Vlada Federacije da u roku tri mjececa izradi novi tekst Zakona o stečajnom postupku i uputi ga u parlamentarnu proceduru.

Budući da je Prijedlog Zakona o izmjenama i dopunama Zakona o stečajnom postupku usvojen u različitom tekstu u oba doma Parlamenta Federacije BiH, **potrebno ga je usaglasiti.**

5. Nacrt Zakona o izmjenama i dopunama Zakona o prodaji stanova na kojima postoji stanarsko pravo

Zakon u formi prijedloga utvrdila je Vlada Federacije.

Predstavnički dom je na 26. sjednici, održanoj 17.12.2013. godine, usvojio Prijedlog Zakona o izmjenama i dopunama Zakona o prodaji stanova na kojima postoji stanarsko pravo sa jednim amandmanom Vlade

Federacije i jednim amandmanom koji je Vlada Federacije prihvatila na sjednici Predstavničkog doma te su ovi amandmani postali sastavni dio Prijedloga Zakona.

Amandmani se odnose na član 1. stav 3. i član 4. stav 6. Prijedloga Zakona o izmjenama i dopunama Zakona o prodaji stanova na kojima postoji stanarsko pravo.

Zakon u formi prijedloga razmatrala su nadležna radna tijela i dostavila izvještaje.

Zakon je obrazložio Desnica Radivojević, federalni ministar prostornog uređenja.

U raspravi su učestvovali: Aner Žuljević, Ivo Tadić, Mira Ljubijankić, Esed Radeljaš, Elvira Abdić-Jelenović i Desnica Radivojević.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 34 glasa za, uz dva uzdržana glasa i uz šest glasova protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o izmjenama i dopunama Zakona o prodaji stanova na kojima postoji stanarsko pravo i smatra da može poslužiti kao osnova za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici.

6. Nacrt Zakona o izmjenama i dopunama Zakona o parničnom postupku

Nacrt Zakona utvrdila je Vlada Federacije.

Predstavnički dom je na nastavku 23. sjednice, održane 30.10.2013. godine, razmatrao Nacrt Zakona o izmjenama i dopunama Zakona o parničnom postupku i zaključkom ga prihvatio. Tom prilikom ovaj zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Zoran Mikulić, federalni ministar pravde.

U raspravi su učestvovali Elvira Abdić-Jelenović, Esed Radeljaš i Mira Ljubijankić.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o izmjenama i dopunama Zakona o parničnom postupku, jer je 28 delegata glasalo za, 17 delegata je bilo uzdržano a dva delegata su bila protiv.

Budući da je izražena sumnja u rezultate glasanja, sekretar Doma naroda Izmir Hadživadić obavio je poimenično izjašnjavaње.

Na osnovu rezultata poimeničnog glasanja, predsjedavajući je konstatovao da je Dom naroda Parlamenta Federacije BiH, sa 31 glasom za, uz 17 uzdržanih glasova i uz dva glasa protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o izmjenama i dopunama Zakona o parničnom postupku i smatra da može poslužiti kao osnova za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju šest mjeseci.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici kao i one iznesene u javnoj raspravi.

7. Nacrt Zakona o državnoj službi Federacije BiH

Nacrt Zakona utvrdila je Vlada Federacije.

Predstavnički dom je na nastavku 24. sjednice, održane 13.11.2013. godine, razmatrao Nacrt Zakona o državnoj službi Federacije BiH i zaključkom ga prihvatio. Tom prilikom ovaj zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Zoran Mikulić, federalni ministar pravde.

U raspravi su učestvovali Elvira Abdić-Jelenović, Amir Zukić i Sretko Radišić.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH **nije prihvatio** Nacrt Zakona o državnoj službi Federacije BiH, jer je 19 delegata glasalo za, 13 delegata je bilo uzdržano a 15 delegata je bilo protiv.

8. Nacrt Zakona o komasaciji

Nacrt Zakona utvrdila je Vlada Federacije.

Predstavnički dom je na 24. sjednici, održanoj 12.11.2013. godine, razmatrao Nacrt Zakona o izmjenama i dopunama Zakona o parničnom postupku i zaključkom ga prihvatio. Tom prilikom ovaj zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Željko Obradović, direktor Federalne uprave za geodetske i imovinsko-pravne poslove.

U raspravi su učestvovali Elvira Abdić-Jelenović, Mirko Batinić i Željko Obradović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 37 glasa za, uz 11 uzdržanih glasova i uz dva glasa protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o komasaciji i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju 90 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici kao i one iznesene u javnoj raspravi.

9. Prijedlog Strategije reforme penzionog sistema u Federaciji BiH

Prijedlog Strategije utvrdila je Vlada Federacije i dostavila je radi razmatranja i usvajanja.

Predstavnički dom je na nastavku 24. sjednice, održane 13.11.2013. godine, usvojio Prijedlog Strategije.

Prijedlog Strategije razmatrala su nadležna radna tijela i dostavila izvještaje.

Prijedlog Strategije obrazložio je Vjekoslav Čamber, federalni ministar rada i socijalne politike.

U raspravi su učestvovali: Predrag Kojović, Aner Žuljević, Mira Ljubijankić, Sretko Radišić, Hajrudin Bećirović, Vesna Nemeć-Klisura, Damir Čardžić i Kenan Spahić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH usvojio Prijedlog Strategije reforme penzionog sistema u Federaciji BiH, jer je 37 delegata glasalo za a šest delegata je bilo uzdržano.

10. a) Izvještaj Visokog sudskog i tužilačkog vijeća BiH za 2011. godinu

Visoko sudsko i tužilačko vijeće BiH dostavilo je ovaj izvještaj Domu naroda radi informiranja.

Predstavnički dom je na 18. sjednici, održanoj 19.12.2012. godine, razmatrao ovaj izvještaj.

Izvještaj su razmatrala nadležna radna tijela i dostavila izvještaje.

Izveštaj je obrazložila Ružica Jukić, potpredsjednica Visokog sudskog i tužilačkog vijeća BiH.

U raspravi nije niko učestvovao.

Budući da se radi o materijalu koji je dostavljen radi informiranja, predsjedavajući je konstatovao da je Dom naroda Parlamenta Federacije BiH **primio k znanju** Izveštaj Visokog sudskog i tužilačkog vijeća BiH za 2011. godinu.

b) Izveštaj Visokog sudskog i tužilačkog vijeća BiH za 2012. godinu

Visoko sudsko i tužilačko vijeće BiH dostavilo je ovaj izvještaj Domu naroda radi informiranja.

Predstavnički dom je na nastavku 24. sjednice, održane 10.12.2013. godine, na prijedlog Visokog sudskog i tužilačkog vijeća BiH odgodio raspravu o ovoj tački za narednu sjednicu.

Izveštaj su razmatrala nadležna radna tijela i dostavila izvještaje.

Izveštaj je obrazložila Ružica Jukić, potpredsjednica Visokog sudskog i tužilačkog vijeća BiH.

U raspravi nije niko učestvovao.

Budući da se radi o materijalu koji je dostavljen radi informiranja, predsjedavajući je konstatovao da je Dom naroda Parlamenta Federacije BiH **primio k znanju** Izveštaj Visokog sudskog i tužilačkog vijeća BiH za 2012. godinu.

11. Izveštaj o radu Federalnog pravobranilaštva za 2012. godinu

Federalno pravobranilaštvo dostavilo je Izveštaj Domu naroda radi prihvatanja.

Predstavnički dom je na nastavku 24. sjednice, održane 10.12.2013. godine, prihvatio Izveštaj o radu Federalnog pravobranilaštva za 2012. godinu.

Izveštaj su razmatrala nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 31 glasom za, uz 10 uzdržanih glasova i uz pet glasova protiv, **prihvatio** Izveštaj o radu Federalnog pravobranilaštva za 2012. godinu.

12. Izbori i imenovanja

- **Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH**

Komisija za izbor i imenovanja Doma naroda je na 21. sjednici, održanoj 6.2.2014. godine, razmatrala Prijedlog Odluke i tom prilikom prihvatila prijedlog Kluba delegata hrvatskog naroda da se za člana Administrativne komisije Doma naroda izabere **Josip Kvasina** umjesto Radoja Vidovića.

Daliborka Milović, predsjednica Komisije za izbor i imenovanja Doma naroda, obrazložila je izvještaj Komisije kojim je predložila da Dom naroda prihvati prijedlog Komisije.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 46 glasova za i uz jedan uzdržani glas, donio Odluku o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH, kojom je za člana Administrativne komisije Doma naroda Parlamenta Federacije BiH izabran **Josip Kvasina**.

Sjednica je završena u 16.10.

Transkript sjednice čini sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Tomislav Martinović